

魚在迷津苦海隨波逐浪漂遊閑拋香餌下綸鈎一釣俄然回首也是宿緣深重一齊萬事都休前途何處是程頭作箇羣仙領袖

又

欲要超離苦海先須割愛忘情從來坑塹剗教平不入荒涼斜徑幻景浮華識破疑心妄念休生蕭蕭灑灑向前行步步蓬萊有準

又

既悟出家學道須憑一志堅堅假饒心上起諸緣全在慇懃煅鍊處眾莫生異見利他損己爲先內功外行兩雙全得赴瑤

道藏輯要

草堂集

五

易集七

池瓊宴

贈平州菩薩堂劉僧

大道豈分貴賤人人箇箇圓成休教方寸萬緣生念念常歸清靜達了這黏消息不須屈體勞形靈臺皎潔勝冰輪照破無明種性

嘆出家兒生烟發火

一等求真慕道令人堪嘆堪憐遠量止酒戒腥羶做就出家行遣靜處閉眉合眼人前說道談禪些兒觸著早生烟錯了從來知見

妙用

罷論古人公案且呈自己門風三更三點扣齋鐘便是予家妙
用湛湛空花形像澄澄水月儀容兩翻消息一翻同看你如
何拈弄

雙泯

祖道將何言說正宗著甚談論搖唇調吻早差分背了諸仙心
印似此難爲舉向不辭略與開陳頭頭物物露全身言下要
君承認

謝道友訪及

魯拙倦貪世利疎慵惟愛山居深承道友喜相呼來結良緣妙
趣但願徐登壽域更祈重悟虛無塵勞放下萬緣除高臥白

道藏輯要

草堂集

六

昇集七
川子

雲深處

鼎一溪雲

本各巫山一段雲

贈孫志道王居易

紫陌憂危客紅塵名利家區區終日漫孜孜嗟無計伴煙霞
倘悟浮生夢短咫尺蓬萊仙館飢飡渴飲困時眠餘事總無牽

又

風定雲初斂潮平浪亦安閒揮輕棹帶篔簹竿垂釣近江干
湛湛碧天如水那更月明風細奈何魚鼈不吞鉤獨立蓼花洲

骷髏喻

日日迷花酒朝朝競氣財偶然命盡掩泉臺郊外曝遺骸
任